

LAWATAN RASMI YAB PERDANA MENTERI KE KEMENTERIAN PERTAHANAN

airforce.mil.my/berita/acara-rasmi/4553-lawatan-rasmi-yab-perdana-menteri-ke-kementerian-pertahanan

KUALA LUMPUR, 21 Feb 19 – Kementerian Pertahanan hari ini telah menerima Lawatan Rasmi daripada Perdana Menteri, YAB Tun Dr. Mahathir Mohamad. Lawatan ini adalah lawatan kali pertama beliau ke Kementerian Pertahanan semenjak menerajui tampuk kepimpinan negara sebagai Perdana Menteri Malaysia ke-7 pada Mei 2018.



Pada lawatan ini, YAB Perdana Menteri telah diberikan taklimat oleh Menteri Pertahanan, YB Tuan Haji Mohamad bin Sabu mengenai bidang fokus utama Kementerian Pertahanan bagi tahun 2019 yang merangkumi Kertas Putih Pertahanan, Kebajikan Anggota ATM, Kesiagaan ATM dan Veteran ATM.



Seterusnya, YAB Perdana Menteri juga meluangkan masa beramah mesra dengan warga Kementerian Pertahanan di Auditorium Wisma Pertahanan yang dihadiri lebih 600 warga tentera dan awam.



Terdahulu, ketibaan YAB Perdana Menteri disambut dengan istiadat ketenteraan menerusi Kawalan Kehormatan Utama yang didirikan oleh Batalion Pertama Rejimen Askar Melayu Diraja (RAMD) di Dataran Wisma Pertahanan.



